

**Մ Ե Մ Շ Ա Յ Ք Ի**  
**ՏԵՎՐԻՄՈՒԹՅՈՒՆ (ՏՈՒՄՈՒԹՅՈՒՆ)**  
**ԱՇԽԱՐՀԱՆ ԸՄՏ «ԱՇԽԱՐՀԱՅՈՅԹ»**

**Պատմ. գիտ. դոկտոր ԲԱՔԿԵՆ ՀԱՐՈՒԹՅՈՒՆՅԱՆ**

Տավրուբերան կամ Տուրուբերան աշխարհը, որ կրավամբ հայ ժողովրդի ձևավորման կարևոր կենտրոններից մեկն է, հանդիսանում է Մեծ Հայքի այն երջանիկ երկրամասերից մեկը, որի աշխարհագրական մանրամասն նկարագրությունը «Աշխարհացոյցի» ընդարձակ խմբագրության շնորհիվ հասել է մեզ: Այնտեղ սոված է. «Դ աշխարհ՝ Տարուբերան, յեկից Չորրորդ Հայոց, ունի պաւտոս վեշտասան. զնոյթ, զԱսպականունեաց ձոր, զՏարօն, յորում գայ գետըն Մեղ եւ անկանի յԾփրատ. որ ըստ հիւսիսոյ՝ Աշմունիք<sup>1</sup> առ Սրմանց լեռամբ, որ կոչի Կատար երկրի. յորմէ յոյժ բղխեն աղբիւրք. որոց ըստ հիւսիսի՝ Մարդաղի՝ առ Մեղեղոսի լեռամբ<sup>2</sup>, մինչեւ ցնոյն Այծալտկունս որ բաժանէ ընդ Կարին եւ ընդ նա. յորում գտանի սալակ եւ ձիղկ եւ նաւթ սեւ եւ սպիտակ. յորոյ յեկից բխէ Մուրց գետ, գնալով ընդ հիւսիսի՝ իջանէ ի Բասեն գաւառ եւ խաննիյծրասխ, եւ գետացուցանէ զնա: Յեկից Մարդաղոյ է Գաստովոր<sup>3</sup> գաւառ. եւ նորա յեկից Տուարածատափ. նորա յեկից Դալառ. եւ ի հարաւոյ նոցա Հարֆ եւ Վաժնունիք<sup>4</sup>, մինչեւ ցԱրածանի, որ իջանէ յԱպահունեաց. որոց ի հարաւոյ՝ Սարակ ի Բզնունեաց գաւառի<sup>5</sup>, ի նեխ Մասեաց սկսանելով՝ պատէ զարեւմտեաց եզր հոմանուն ծովուն, մինչեւ ցբերդն Բաղէշ, եւ անդր եւս ի հարաւ կոյս ցԵրէվարդ<sup>6</sup> գաւառի սահման: Եւ Բզնունիք ունի յիւր հոմանուն ծովէն կղզիս երեք. զԱրձկեոյն, զԾիպանին եւ զՏոբեանն. որոյ ըստ հարաւոյ ի մէջ լեռինն Տորոսի եւ ծովու՝ գաւառ Երէվարք, յորում լիճ ինչ՝ որ կոչի Եղիգի, յուխից՝. զի ի վարելն յակօսն ջուր բմայէ եզն, եւ սերմանեալն քառասուն աւրն հասանէ, եւ բերէ ընդ միոյ՝ յիսուն: Եւ ծովն Բզնունեաց յերկայնն հարիւր մղոն է, եւ յայնն վաթսուն, Որոյ ըստ հիւսիսոյ Աղիտովիտ<sup>8</sup> գաւառ, եւ զմտիւք նորա Ապախունիք. ընդ որոյ մէջն անցանէ Արածանի յեզրն Բղնունեաց: Գտանի պատակ եւ կասու... նոն որ է մաշկամիրգ, եւ մեղր անոյշ քան զամենայն երկրի եւ երկաթ: Ասեն թէ՛ նհանգ<sup>9</sup> կալ յԱրածանի, որպէս յԾփրատ, զոր հաւաստի<sup>10</sup> գիտեմք, կեն-

1 Ձեռագրերում ավելի հաճախ հանդիպում է Արշամունիք ընթերցումը, որը համընկնում է այլ աղբյուրների տեղեկություններին:  
 2 Ճիշտ գրությունը՝ «առ Մ Լ զ Լ գ ու ղ յ յ լ ր ամբ» (Ս. Ս. Երեմյան. Հայաստանը ըստ «Աշխարհացոյցի». Երևան, 1963, էջ 107):  
 3 Դատելով մյուս ձեռագրերից, ճիշտ անվանաձևը Դասնաւորք է:  
 4 Ձեռագրերի մեծ մասում գավառանունը Վարածնունիք է:  
 5 Բերնս այսուհի պետք է հաջորդեր «որ» շաղկապը:  
 6 Դատելով գավառի երկրորդ հիշատակությունից և «Աշխարհացոյցի» մյուս ձեռագրերից, գավառանվան ճիշտ գրությունը Երևարք է:  
 7 Ս. Ս. Երեմյանը սրբագրում է «յուղիսից» (նշվ. աշխ., էջ 108):  
 8 Պետք է լինի «Աղիտովիտ»:  
 9 Նհանգի վերաբերյալ տեղեկությունը Ս. Երեմյանը համարում է ուշ ընդմիջարկություն (նշվ. աշխ., էջ 108): Նրա կարծիքով, այդ առաջացել է Միջագետքում գոյություն ունեցող համանուն Արածանի գետի հետ շփոթելու հետևանքով:  
 10 Ս. Երեմյանը «հաւաստի» բառից հետո բնագրի մեջ մուծում է «ոչ» բառը (նշվ. աշխ., էջ 108):

դանի քարքաշամ գուգեալ, զարիւնն ծծեալ եւ թողեալ, զոր ոմանք ասեն թէ  
դագան է եւ շէ դեւ, այլ զազան զոր Յոհան վասն դստերն Հերողիազայ ասէ թէ  
քան զնահանգսն ծովայինս արիւնարբու էր»<sup>11</sup>:

Ավելորդ շենք համարում մեջքերել նաև «Աշխարհացոյցի» համառոտ խմ-  
բագրության տեղեկութիւնները. «Տուրուբերան յերի կայ Չորրորդ Հայոց.  
գաառք են ի նմա վեշտասան. Խոյթ, Ասպակունիք, Տարօն, Աշմունիք, Մարդաղի,  
Դասնաւորք, Տուարածատափ, Դալառ, Հարք, Վարածնունիք, Բզնունք, Երե-  
ւարք, Աղիովիտ, Ասպահունիք, Կոր, Խորխորունիք: Ընդի և ծով զԲղնունեացն  
լերկայն հարիւր մղոն, և ի լայն վաթսուն: Ընդի և գաղպէն, և մեղր, և մաշկա-  
միրգ, և սպիտակ նաւթ և երկաթ»<sup>12</sup>: Ս եւրոպ Սաշտոցի անվան Մատենադա-  
րանի հմր. 582 ձեռագիրը, որ հրատարակել է սրբֆ. Ա. Գ. Աբրահամյանը,  
ունի որոշ տարբերութիւններ: Աշմունիքին համապատասխանում են Արշամու-  
նիք, Դասնաւորքին՝ Դաստարաւորք, Տուարածատափին՝ Մուրածատափ, Կորին՝  
Կորի, Խորխորունիքին՝ Խորխորունիք տարընթերցումները, իսկ «ընդի և գաղ-  
պէն, և մեղր, և մաշկամիրգ, և սպիտակ նաւթ, և երկաթ» արտահայտութիւնը՝  
«ընդի եւ գաղպէն, եւ մեղր, եւ մաշկամիրգ, եւ սպիտակ, եւ երկաթ, եւ նաւթ»  
նախադասութիւնը<sup>13</sup>:

«Աշխարհացոյցի» համառոտ խմբագրության ձեռագրերը տալիս են գա-  
վառանունների տարընթերցումների մի նշանակալից քանակ, որի համեմա-  
տական քննութիւնը հնարավորութիւն է տալիս պարզել գավառանունների  
ճիշտ ձևերը: Դրան ավելացնելով Վենետիկի Մխիթարյանների մատենադա-  
րանի ձեռագրական տվյալները, որ քաղում ենք Ղ. Ինճիճյանի երկից, ստա-  
նում ենք ներքոհիշյալ պատկերը.

խոյթ, Խութ } Ասպակունիք, Առպակասունիք, Սապակունիք, Աս- պակունիկք, Ասպակոնիք, Առպակասունիք, Ասպատու- նիք, Ասպկտունիք, Ասպականունեաց ձոր <sup>14</sup>	խոյթ Ասպակունիք, Ասպակունեաց ձոր
Տարուն, Տարան, Տարօն <sup>15</sup> }	Տարան
Արշամունիք, Աշմունիք, Արշմունիք }	Արշամունիք
Մարդաղի, Մարդո աղի, Մարդագի, Մարդոյ աղի Մարդալի	Մարդաղի
Դաստարաւորք, Դասնաւորք, Դաստանորք, Դաստա- նաւորք, Դաստընաւորք <sup>16</sup> , Դասնասորք, Դաստարուորք, Դաստնաւորք, Դաունաւորք, Դաստանսորք, Դասանս- ւորք, Գաստովոր	Դասնաւորք Դաս[տա]նաւորք Դաստարաւորք

11 Աշխարհացոյց Մովսեսի Խորենացոյ յաւելուածովք նախնեաց. Վենետիկ, 1881, էջ 31 –32,  
12 К. П. Патканов. Армянская география VII века. СПб., 1877, с. 18.  
13 Ա. Գ. Աբրահամյան. Անանիա Շիրակացու մատենագրութիւնը. Երևան, 1941, էջ  
349, Տե՛ս նաև Մաշտոցի անվան Մատենադարանի հմր. 582 ձեռագիրը:  
14 Մատենադարանի հմր. 1717 և 5613 ձեռագրերում Ասպակունիքը նույնացվել է Բանաշենի  
և Շատախի հետ:  
15 Մատենադարանի հմր. 1459 ձեռագրում գավառանունը բացակայում է:  
16 Մատենադարանի հմր. 1717 և 1518 ձեռագրերում Դասնավորք գավառից առաջ գրվել էր  
ավելացրել են Մանանաղի գավառի անունը: Մարդաղիից հետո և Դասնավորքից առաջ Մատե-  
նադարանի հմր. 5120 ձեռագրում ավելացված են Համրպետք, Մանծեր, հմր. 2291-ում Հարքի  
կողքին լուսանցքում՝ Համրպետք, հմր. 1459-ում Համրպետքը հայտնվել է Դալառից հետո  
Մեծնկերտի հետ մեկտեղ, իսկ Աղիովիտից հետո գրված է անծանոթ Անծկէտ անունը, որը  
թերևս Մանծկերտի աղավաղումն է:

Տուարծատափ, Տուարետափ, Տուարծատափ, Մուրծատափ, Ուարծատափ, Մուրծայ տայփք, Տուարծափափ, Տուրարետափ, Տուարերատափ, Տուարածատափ, Տուարածոյ տափ <sup>17</sup>	Տուարածատափ
Դալառ, Սալառ, Գղաւ, Գովառ, Դղաւ }	Դալառ
Հարք, Հառք, Հայք, Հար }	Հարք
Վարաժնունիք, Վարաժրնունիք, Վարաժքնունիք, Վարժունիք, Վարժնունիք, Վաժնունիք, Բղնունիք, Բժնունիք <sup>18</sup> }	Վարաժնունիք
Երևարկ, Երևարք, Երիվարք, Երիվար, Երիվարգ, Երէվարդ, Երէվարք }	Երէվարք
Աղիովտի, Աղիովիտ, Աղոյովիտ, Աղաւանլիս, Աղիովգի, Աղի ուլտի (ովտի) <sup>19</sup>	Աղիովիտ
Այպահունիք, Ապահունիք, Ապահանիտ, Այհունիք, Ապահունիք, Ահունիք <sup>20</sup>	Ապահունիք
Կորի, Կոր, Կորդ, Տկորի <sup>21</sup> }	Կորի
Խորխոռունիք, Խորխորունիք, Խոռխոռունիք, Խորխորունիս, Խորխունիք, Խորխոռունիք, Խուռխուռունիք <sup>22</sup>	Խորխոռունիք

Տավրուբերան կամ Տուրուբերան աշխարհի գավառների տեղագրութիւնը մեծ մասամբ հայտնի է ոչ միայն աղբյուրագիտական հարուստ նյութերի, այլև հայագետների կատարած քրտնաջան և բեղուն ուսումնասիրութիւնների շնորհիվ: Փորձենք այժմ տալ դրանց տեղագրութիւնն ըստ նկարագրութեան հերթականութեան՝ կատարելով որոշ ճշգրտումներ:

Աշխարհի առաջին հուլիս գավառը գտնվել է Բաղեշ քաղաքից առևմուտք, Արդան գետի վերին հոսանքի շրջանում, որն այդ վաղնջական ժամանակներում անշուշտ կրելու էր նույնպես հուլիս անունը<sup>23</sup>: Հիմնականում հայկական բնակչութիւն ունեցող հուլիս գավառակում XIX դարի վերջին և XX դարի սկզբին նշանավոր սրբատեղի էր սուրբ Աղբրիկը, որից վերև տարածվում էր մի լայնատարած սարահարթ<sup>24</sup>: հուլիս բնակիչների մասին հիշատակութիւն ունի Գևորգ Կիւրացիին յօմ աւ - աւ - հուլիսացիք անունով<sup>25</sup>: Թովմա Արծրունին հի-

17 Դավառը հիշում է Ղազար Փարպեցին Տուարծատափ անունով, տեղագրելով Բագրևանդի և Բասենի սահմանակցութեամբ (Ղազարայ Փարպեցոյ Պատմութիւն Հայոց եւ Թուրք առ Վահան Մամիկոնեան, աշխատութեամբ Գ. Տէր-Մկրտչեան եւ Ստ. Մալխասեան. Տիփլիս, 1904, էջ 57):

18 Մատենադարանի հմր. 1482, 1518 և 1770 ձեռագրերում գավառանունը բացակայում է:

19 Մատենադարանի հմր. 1482, 1518 և 1770 ձեռագրերը դավառանունը չեն պահպանել:

20 Մատենադարանի հմր. 1482, 1518 և 1770 ձեռագրերը դավառանունը չեն պահպանել:

21 Մատենադարանի հմր. 1482, 1518, 1770 և 3941 ձեռագրերում գավառանունը բացակայում է:

22 Մատենադարանի հմր. 1482 և 1518 ձեռագրերում գավառանունը բացակայում է: Բոլոր գավառանունների համար տե՛ս նաև Ղ. Ինճիճեան. Ստորագրութիւն հին Հայաստանեայց Վեհեպիկ, 1822, էջ 88—89:

23 Տե՛ս Ա. Տ. Երեմյան. Մեծ Հայքի թագավորութիւնը IV դարում (298—385 թթ.), բարտեզ, Երևան, 1979, Գ—4:

24 «Սասուն», աշխարհագրական բարտեզով, կազմեց Ա. Քալանթար, արտատպւած «Մշակ» լրագրից. Թիֆլիս, 1895, էջ 11:

25 Georgii Cyprii Descriptio orbis Romani. edidit praefatus est commentario instruxit Henricus Gelzer, Lipsiae, 1890, թ. 48. Հովհան Մամիկոնյանի երկի մի շարք ձեռագրերում հիշատակվում է «Մուշեղ, դտերն Մշոյ և հուլիս, Տարօնոյ իշխանն և Սասնոյ», որտեղ

շատակում է հոյժ լեռը, որի բնակիչները «յաղագս խրթնի եւ անհետադօտելի խօսիցն եւ բարուցն կոչին հուժ, յորոց անուն եւ լեռնն հոյժ անուանի» և բնակվում էին «ի լեռինն, որ բաժանէ ընդ Աղձնիս և ընդ Տարոն»<sup>26</sup>: հուլիսը, խութեցիներին կամ լեռը հիշատակում են նաև Կիրակոս Գանձակեցին, Ասողիկը, Յակոտ ալ-Համադին և Բալաձորին<sup>27</sup>: 2. Հյուբըմանը գտնում է, որ «Աշխարհացոյցը» իրավամբ Մոտիկանի կամ Մոտկանի հյուսիսակողմում գտնվող հոյժ գավառն ու նրան սահմանակից Տարոնը վերագրում է Տուրուբերան նահանգին, քանի որ հոյժն ու Տարոնը Տավրոս լեռով բաժանվում են Սասունից և Սալնաձորից և որ հոյժն ու Տարոնը Տավրոսի հյուսիսային կողմում են, իսկ Սասունը և Սալնաձորը՝ հարավային: Սակայն մյուս կողմից նա ստիպված է արձանագրել, որ Գևորգ Կիպրացու տեղեկությունները հակասում են հիշյալ եզրակացություններ, քանի որ դրանց համաձայն՝ Աղձնիքում են գտնվել Տավրոսը, չլեռը և Բալաձորը: Սասունը և հուլիսը<sup>28</sup>: Փորձելով լուծել այս հակասությունը, գերմանացի հայագետը հայտարարում է, որ վերոհիշյալ տեղեկությունները վերաբերում են ոչ թե վարչական աշխարհագրական բաժանմանը, այլ ազգագրական ծանոթություն են տալիս Տավրոսի այն հատվածի վերաբերյալ, որը Աղձնիքին կից էր և ուր բնակվում են իրար ազգակից երկու ժողովուրդ՝ խութեցիները և Սանասնեայը<sup>29</sup>: Սակայն հակառակ հարգարժան հայագետի ունեցած աշխարհագրական պատկերացումներին, հոյժը բնավ էլ չի գտնվում Տավրոսի հյուսիսային կողմում, շնայած պեսք է ընդունել, որ հուլիս գավառակի հարավային սահմանագլխով ձգվող լեռնաբազուկը որոշ շահով ավելի բարձր է, քան վերջինիս հյուսիսով անցնող Հալկական Տավրոսի հիմնական լեռնաձյուղը, ուստի հուլիսի պատկանելիությունը Տավրուբերանին բնաշխարհագրական տեսակետից, րստ մեզ, պատճառաբանված չէ: Մակերեվուլթի առումով այն ավելի շատ վերաբերելու է Աղձնիքին, իսկ նրա վերաբերելը Տավրուբերանին, ինչպես ցույց տվեցինք Աղձնիքի բաժնում, հանդիսանում է որոշակի պատմավարչական իրողության արտահայտություն:

Տավրուբերանի հաջորդ շրջանը հայտնի է Ասպակունիք կամ Ասպակունյաց ձոր անունով: Ն. Աղոնցի կարծիքով Ասպակունիքը սկզբնապես մտել է Տարոնի մեջ և հանդիսացել է Ասպակունի իշխանական ընտանիքի տիրույթ: Սակայն Ասպակունյաց իշխանների վերաբերյալ սկզբնաղբյուրներում տեղեկություններ չեն պահպանվել, իսկ «Աշխարհացոյցում» Ասպակունիքը սոսկ աշխարհագրական հասկացություն է, հուլիսին սահմանակից լեռնահովիտներից մեկի վերնագրավառը<sup>30</sup>: Այդ ճիշտ հայեցակետը հիմք ընդունելով՝ Ասպակունիքի համար միանգամայն տրամաբանական և համոզիչ տեղադրություն է առաջարկել Ս. Երեմյանը, որի կարծիքով այն գտնվել է Քաղիթթ (Բաթմանաջուր, Բաթման-սու) դեռի Շատախ վտակի ձորահովտում, որի վրայով Միմսարի լեռնանցքով անոնում էո Աղձնիքը Տուրուբերանի հետ կապող ճանապարհներից մեկը: Տեղադրության համար հիմք է ծառայել Սպակունք (Ասպակունք)

«հուլիս»-ն կարծում ենք հետագա, ընդմիջարկություն է (Պատմութիւն Տարօնոյ. Երևան, 1941, էջ 158):

26 Պատմութիւն տահն Արծրունեաց ի Քովմայ վարդապետէ Արծրունոյ. Կոստանդնուպոլիս, 1852, էջ 132, 135:

27 Կիրակոս Գանձակեցի. Պատմութիւն Հայոց, աշխատասիրութեամբ Կ. Ա. Մելիք-Օհանջանյանի. Երևան, 1961, էջ 78. «բնակիչը լեռինն հոյժայ, որ Սասունն անուանին»: Տարնթեքցումներն են «հոթայ, հութայ, հոթայ»: Ստեփանոսի Տարօնեցոյ Ասողկան Պատմութիւն Տիեզերական. Ս. Պետերբուրգ, 1885, էջ 107. «հուլիսից»: 2. Հյուբըման. Հին Հայոց տեղվո անունները. Վիեննա, 1907, էջ 188, 189. «\* \* \*» և «\* \* \*»:

28 2. Հյուբըման. Հին Հայոց տեղվո անունները, էջ 177—178:

29 Նույն տեղում, էջ 178: Տե՛ս նաև J. Markwart. Südarmenien und die Tigrisqueellen. Wien, 1930. S. 49\*, 55\*, 84, 86, 127, 202, 220, 223—230, 286, 297, 336.

30 Н. Адонц. Армения в эпоху Юстиниана. СПб., 1908, с. 311—312.

դյուղը, որը գտնվում է Տավրոսիկի ձորում<sup>81</sup>։ Հարկ ենք համարում կրկին ընդգծել, որ Ասպակունիքը ևս գտնվում էր Հայկական Տավրոսի հարավային փեշերին, ուստի աշխարհագրական տեսակետից նրա պատկանելիությունը Տավրոսերանին պայմանավորված էր քաղաքական պատմության իրադարձություններով։ Հ. Հյուրշմանը Ասպակունիքը նույնպես համարում է նախնաբար տոհմի անուն, որն ածանցվել է Ասպակ-ից կամ Ասպ-ից։ Ըստ հեղինակի գավառանվան առաջին մասը՝ Ասպը ձի է նշանակում, իսկ Ասպական՝ որսորդ<sup>82</sup>։ Ինչ վերաբերում է այն ինդոսին, թե Ասպակունիքը հղե՞լ է արդյոք նախարարական իշխանություն, պատասխանը միանշանակ մեկն է՝ եղել է։ Սակայն շատ տարօրինակ է, որ հիշյալ նախարարությունը, գտնվելով Մամիկոնյանների, Վահևունիների Սղկունիների հարեանությունում, հայոց պատմության մեջ այլևս ոչ մի անգամ չի հիշատակվում։ Որպես նախարարություն այն պետք է սկզբնապես մաս կազմեր Աղձնյաց բզեռիության։ Այդ իսկ պատճառով այն հիշյալ շրջանում չէր կարող և չի մտել հայոց թագավորների՝ «Գահնամակի» մեջ։ Այն բանից հետո, երբ Աղձնիքի մեծ մասը ռադմակավեց պարսիկների կողմից և միացվեց Սասանյան տիրություններին, Ասպակունիքը մնաց Հայոց թագավորության մեջ և մաս կազմեց Տավրոսերան աշխարհի։ Այդ պահից սկսած նախկին բզեռիասպատակ նախարարությունը անմիջական ենթակայության տակ ընկավ հայոց արքունիքից, ուստի տրամաբանական էր տեսնել ուղ շրջանի «Գահնամակներից» մեկում։ Համեմատելով Սոհակյան (Խոսրով Վերջինի—Հ. Բ.) «Գահնամակի» և «Գորանամակի» տվյալները<sup>83</sup>, մենք գալիս ենք այն համոզման, որ նշված իշխանությունը, այնուամենայնիվ, արտացոլված է արքունի գահերի մեջ։ «Գահնամակի» «Վարասպակեանն» իշխանական ընտանիքը, մեր խորին համոզմամբ, պետք է նույնանա Ասպակունիքի<sup>84</sup> հետ։ Ըստ երևույթին սկզբնապես այն հնչել է Վարագասպակեանն և աստիճանաբար հնչյունափոխվելով դարձել Վարասպակեանն։ Անունն հավանաբար նշանակել է վարագի որսորդների իշխանություն։ Գավառանունը չի պահպանել իշխանության անվան սկզբնական մասը, որի հետևանքով այն դարձել է Ասպակեան կամ Ասպակունիք։ Իշխանության անվանումը Վարագարտիկեան աղավաղված գրությունում պահպանվել է նաև «Ջորանամակում»<sup>85</sup>։ Այն սլազապեան եղել է Վարագասպակեան։

Տավրոսերանի կենտրոնական և կուսակալանիստ գավառը Տարոնն էր, որը նույնիսկ իր անունն է տվել աշխարհին։ «Աշխարհացոյցի» ընդարձակ խմբագրության մեջ Մեծ Հայքի նկարագրության սկզբում նշվում է. «Չորրորդ [աշխարհ]՝ Տավրոսերան, որ է Տարոն»<sup>86</sup>։ Թերևս այդ բանի օգտին է խոսում նաև Ակիտոսի հիշատակած regio Tauranum-ը<sup>87</sup>։ Ն. Աղոնցը իրավագիտորեն գտնում է, որ Tauran-itis-ը ծագումնաբանական կապ ունի Taurus լեռան (սեմ. Է-V-Դ) անվան հետ, որից սերում է նաև Տարոսերան—Տարոս-երանը կամ առավել հին Տուրոսերանը<sup>88</sup>։ Չի կարելի չհամաձայնվել Ն. Աղոնցի այն

81 Ս. Ս. Երևմյան. Հայաստանը ըստ «Աշխարհացոյցի», էջ 38։

82 Հ. Հյուրշման. Հին Հայոց տեղի անունները, էջ 307։

83 «Գահնամակ» և «Ջորանամակ», տե՛ս Н. Адонп. Армения в эпоху Юстиниана, с. 249—252։

84 Նույն տեղում, էջ 250։ Ասպակունյաց ձորը կամ Ազրագրունեաց գավառը կոչվել է նաև Գոգովիտ կամ Կոգովիտ (Ղ. Ալիշան. Հայաստանում. Վենետիկ, 1901, էջ 297, 299)։

85 Նույն տեղում, էջ 252։

86 Աշխարհացոյց Մովսեսի Խորենացու, էջ 29։ Ն. Աղոնցը հավատ է կարծելու, որ «о широкой известности его свидетельствует и то, что даже в Георг. Таруберан определяется им». (Армения в эпоху Юстиниана, с. 309)։

87 Tacitus: Ann., XIV. 24. «in regionem Tauranum»։

88 Դրան կանգրադանանը աշխարհի ձևավորման հարցի անունությամբ։

մտքի հետևս, որ Tauranitis-ը Taraunitis սրբագրելը պատճառաբանված չէ, շնչալած ունենք Մատչել > Մատչել անցումը<sup>39</sup>:

Տարոնը պատմական սկզբնաղբյուրներում հիշատակվում է բաղմիցս: Եթե հավատանք պատմահորը, ապա նա Օլիմպիոդորոսի երկից վերցրել է ներքո-հիշյալ գրույցը. «Պատմեցից ձեռք, ասէ և գրույցս անգիրս յաւանդութենէ ի մեղ հասեալ, զորս և բազումք ի գեղջկաց գրույցն մինչև ցայժմ: Մատեան լեալ զՔսիսութրեայ և զորդոց նորա, որ այժմ ոչ ուրեք երևի, յորում, ասեն, կարո լեալ բանից ալսպիսի: Յետ նաւելոյն Քսիսութրեայ ի Հայս և դիպելու ցամարի, դնայ, ասէ, մի յորդոց նորա կոչեցեալն Սեմ ընդ արևմուտս հիւսիսոյ դիտել զերկիրն և զիպեալ գաշտի միում փոքու առ երկայնանստի միով լեռամբ, զետու ընդ մէջ նորա անցանկում, ի կողմանս Ասորեստանի, դադարէ առ գետովն երկլուսնեայ աուրս, և անուանէ յանուն իւր զլեռն Սիմ, և դառնայ անդրէն յարևելս հարաւոյ, ուստի եկն: Իսկ ի կրտսերագունից որդոցն նորա Տարբան անուն երեսուն ուստերօք և հնգևտասան դստերօք և նոցին արամբք մեկնեալ ի հօրէն՝ բնակէ անդէն ի նոյն գետեզեր, յորոյ անուն և զգաւառն անուանէ Տարան, և զանուն տեղւոյն ուր բնակեցան՝ կոչէ Յրօնս. զի անդ զանաջինն սկիզբն եղև բաժանելոյ որդւոց նորա ի նմանէ»<sup>40</sup>:

Տարոնը պատմիչների գործերում այնքան հաճախ է ուշադրության արժանանում, որ դրանց բոլորին անդրադառնալն անիմաստ է:

Հալ և արաբ աղբյուրներում տեղ է գտել ոչ միայն Տարոնը, այլև նրա մեջ գտնվող բազմաթիվ բնակավայրեր, ամրոցներ, եկեղեցիներ, բնաշխարհագրական կետեր, որոնք բարեխղճութամբ հավաքել են Ղ. Ինճիճյանը և Ղ. Ալիշանը<sup>41</sup>:

Տարոնի միջով հոսում է Արածանի գետը, որը նշված հատվածում ավելի շատ հայտնի է Յփրատ անունով: Գավառի գրեթե ամբողջ երկարությամբ ձրգվում է Արածանիի վտակ Մեղ գետը, որն ուշ ժամանակներում հայտնի էր Մեղ-րագետ անունով: Անտարակույս է, որ հիշյալ վտակը իրոք սկզբնապես կոչվել է Մեղ (= սև), որի թարգմանությունն է մահմեդական բնակչության կողմից գետին տրված Կարասու (= Սև ջուր) անունը: Ինչ վերաբերում է Մեղրագետին, ապա այն ժողովրդական ուշ շրջանի իմաստավորման արդյունք է<sup>42</sup>:

Ամփոփելով Տարոնի վերաբերյալ մեր ասածը, կարելի է մեծ ճշտությամբ անցկացնել վերջինիս սահմանները: Հարավում գավառի համար սահմանաբաժան էին կազմում Հայկական Տավրոսի լեռները, արևելքում՝ Վանա լիճը շրոփակող Բզնունչաց լեռները՝ ներքովի լեռնագագաթով, հյուսիսում՝ նազիկ լճից մինչև Քարբե լեռը ձգվող լեռնաբազուկները, իսկ արևմուտքում՝ Քարբե լեռնաուղաթից և Տավրոս լեռներից սկիզբ առնող երկու լեռնաբազուկները<sup>43</sup>:

Արշամունիք գավառի վերաբերյալ մեր տեղեկություններն անհամեմատ աղքատ են: Հայտնի է, որ նրա մեջ էին դտնվում Մախնոտ և Երեզ բնակավայ-

39 Н. Адонц. Армения в эпоху Юстиниана, с. 308—309. Սրբագրութունը կատարել են de Lagarde (Ges. Abh. 46. ծան. 6) և Հ. Հյուրշմանը (Հին Հայոց տեղվո անունները, էջ 189):

40 Մ ո վ ս ե ս և ո ս ո բ ն ա յ թ ի. Պատմութիւն Հայոց. Տիգրիս, 1913, էջ 25—26: Զրույցի Քսիսութրեայն «Աստվածաշնչի» նոյն է:

41 Ղ. Ի ն ճ ի ճ ե ա ն. Ստորագրութիւն հին Հայաստանեայց, էջ 92—113: Ղ. Ա լ ի շ ա ն. Տեղագիր Հայոց Մեծաց. Վենետիկ, 1855, էջ 44—46:

42 Մեղ գետը չի կարելի շփոթել Մեղտեայ գետի հետ (Հ ո վ հ ա ն Մ ա մ ի կ ո ն յ ա ն, էջ 185): Այն չէր կարող սկզբնապես կոչվել «Մեղր», ինչպես ենթադրում է Հ. Հյուրշմանը (Հին Հայոց տեղվո անունները, էջ 186):

43 Ս. Երեմյանը Մեղ գետի վերին հոսանքի շրջանը համարում է խուլթի մասն անգամ դրա մեջ է մտնում Բաղադեղը («Հայաստանը ըստ Աշխարհացոյցի»-ի, ըարտեզ, Գ—4, 5): Իրականում Բաղադեղի շրջանը մտել է Բզնունիքի մեջ, իսկ Մեղ գետի վերին հոսանքի շրջանը՝ Տարոնի:

րերը<sup>44</sup> և այն սահմանակից էր Տարոն և Հաշտեանք գավառներին<sup>45</sup>, Արշամունիքի մեջ պետք է գտնվի նաև Օղին գյուղը, որ կոչվում էր նաև Շտեայ<sup>46</sup>: Ելնելով բերված տվյալներից և «Աշխարհացոյցի» այն հաղորդումից, որ Արշամունիքը տարածվել է մինչև Սերմանց լեռը (Աշմունիք՝ առ Սրմանց լեռամբ), գավառի սահմանները կարելի է անցկացնել ներքոհիշյալ գծով. հարավում՝ մեր կողմից արդեն բնաված Տարոնի սահմանով, արևմուտքում՝ Գինեկ գետի և Մյուս Գալլի ջրբաժան լեռներով, հյուսիսում՝ Սրմանց լեռով և հյուսից արևմուտք ու հարավ-արևելք ձգվող լեռնաձյուղերով, արևմուտքում Հարիր և Վարդան իրարից բաժանող լեռնաբաղուններով:

Արշամունիքը իր աշխարհագրական գիրքով հազիվ էր մասն կազմեր Տարոնի, ուստի Հ. Հյուբշմանի այն միտքը, թե իբր Փավստոս Բուզանգր այն համարում է Տարոնի մաս<sup>47</sup>, պարզապես ճիշտ չէ: Պատմիչը այն համարում է Տարոն գավառի մաս. «Արշամունեաց տեղեացն ի նահանգէն Տարոն գաւառէն»<sup>48</sup>: Այսինքն խոսքը չի վերաբերում նեղ հիմաստով Տարոնին, այլ աշխարհ Տարոնին: Գավառի ծաղումը մենք կապում ենք Տիգրան Մեծի գործունեության հետ Գրավելով Մոսիսի թագավորությանը և այն միացնելով Մեծ Հայքի թագավորությանը, նա, ըստ երևույթին, Մոսիսի արքայատոհմի ներկայացուցիչներին տեղափոխել է Մեծ Հայքի կողմերը և կալվածքներ տվել, որոնք կամ նրա օրոք կամ ավելի ուշ վերածվել են ինքնուրույն գավառի, որը Արշամունյաց արքայատոհմի անունով կոչվել է Արշամունիք: Ավելի ուշ Արշամունիքը հիշատակվում է որպես Մանգակունյաց իշխանական ընտանիքի տիրույթ:

Տուրուբերանի հաջորդ գավառը հայտնի է Մարդաղի անունով: Այն հիշատակվում է Եղիշեի, Ասողիկի երկերում<sup>49</sup> և եկեղեցական ժողովների արձանագրություններում<sup>50</sup>: Ուշ շրջանում հայտնի էր Սևուկ բերդակ անունով<sup>51</sup>: «Աշխարհացոյցը» Մարդաղին տեղադրում է Մեղեղուղի լեռների հարևանությամբ մինչև Այծպտկունք, որը բաժանում է այն Կարինից: Գավառի արևելյան կողմով հոսում էր Մուրց գետը, որը Բասենում խառնվում էր Երասխին և դարձնում այն հորդառատ գետ: Անհասկանալի պատճառներով որոշ ուսումնասիրողներ փորձում են Մուրցը նույնացնել Բասենի գետին<sup>52</sup>, որը բացարձակապես հակասում է «Աշխարհացոյցի» տվյալներին: Խնդիրն այն է, որ ըստ «Աշխարհացոյցի» Մարդաղիի «յելից բխէ Մուրց գետ, գնալով ընդ հիւսիսի՝ իջանէ ի Բասեն դաւառ, եւ խառնի յԵրասխ՝ եւ գետացուցանէ գնա»<sup>53</sup>, իսկ «գրագուսն, ընդ որ անցանէ Երասխ՝ դետացեալ ի Մուրցամօր գետոյ, որ բաժանէ գԳարեղեանս ի հարաւ եւ գԱբեղեանս եւ զՀաւունիս ի հիւսիսի»<sup>54</sup>: Որ խոր Երասխի սկիզբը վաղ միջնադարում համարվում էր Բասենի գետը, երևում է «Աշխարհացոյցի» մեկ այլ տեղեկությունից, ըստ որի Բարձր Հալքը «ի շորս կողմ աշխարհի ջուր արձակէ. զի բղխէ շորս գետս գորեղս զԵփրատ՝ յարեւմուտս, եւ զԵրասխ՝ յարեւելս, գԳալլ ի հարաւ, գԱկամսիս որ է վոհ ի հիւ-

44 Ա. ս ո ղ ի կ, էջ 81, 276: Ղ ա վ ա Ր Փ ա Ր պ ե ց ի, էջ 149, 150:

45 Փ ա վ ս տ ո ս ի Բ ու զ ա ն ց ո յ յ. Պատմութիւն Հայոց. Վենետիկ, 1832, էջ 123:

Ղ ա վ ա Ր Փ ա Ր պ ե ց ի, էջ 149:

46 Ղ ա վ ա Ր Փ ա Ր պ ե ց ի, էջ 150:

47 Հ. Հ յ ու բ շ մ ա ն. Հին Հայոց տեղվո անունները, էջ 192:

48 Փ ա վ ս տ ո ս Բ ու զ ա ն ղ, էջ 123:

49 Ե ղ ի շ ե, էջ 28: Ա. ս ո ղ ի կ, էջ 192:

50 Ղ. Ի ն ճ ի ճ ե ա ն, Ստորագրութիւն հին Հայաստանեայց, էջ 114:

51 Ա. ս ո ղ ի կ, էջ 192. «ԿԱՍՏՈՒԿ ԲԵՐԴԱԿ, որ է Մարդաղի»:

52 Հ. Հ յ ու բ շ մ ա ն. Հին Հայոց տեղվո անունները, էջ 185. «այժմ Բասին, որուն անուամբը Մուրց գետը այսօր թրք. Բասին-սու (Լինչի բով՝ Egric'ai) կը կոչուի»: Ս. Տ. Երեմյան. Հայաստանը ըստ «Աշխարհացոյցի», էջ 71. «Մուրցամար կամ Մուրց գետ—Գ-4, ալժմ՝ Հասան-Ղալա-սու»:

53 Աշխարհացոյց Մովսեսի Խորենացույ, էջ 31:

54 Նույն տեղում. էջ 33—34:

սիս»<sup>55</sup>; Այս իրողությունը ժամանակին նկատել է Ղ. Ալիշանը և ցույց տվել, որ հենում Բյուրականի գետը (Բինգյուլ-սու) Երասխի սկիզբը չէր համարվում, այլ նրա Մուրց վտակն էր<sup>56</sup>: Պլինիոս Ավագի տվյալները Երասխի վերաբերյալ միանգամայն համահնչուն են «Աշխարհացոյցի» տեղեկություններին: Այսպես, ըստ լատին բնաղետի «Արաքսը ծնվում է միևնույն լեռներում և Եփրատը՝ 600 քայլ միջանկյալ հեռավորությամբ, և աճելով Մուլր]սիս գետակով, ինքը թափվում է, ըստ մի քանի աղբյուրների (կարծիքի), Կյուրոսի մեջ, որը Կարան տանում է Կասպից ծով»<sup>57</sup>: Պլինիոսի մոտ ևս Արաքսը Բասենի գետն է, իսկ Մուլր]սիսը՝ Բյուրականը, ուստի պարզապես դարձանալի է, որ ըստ Ս. Ս. Երեմյանի «Արաքսի ակունքներից ոչ հեռու գտնվող Մուրց գետը համարվում էր Արաքսի սկիզբը, իսկ Մուրց գետի ակունքների ջրբաժան Միրանյաց լեռների (աժմ՝ Փայանթյոբան-դաղ) արևմտյան փեշերին գտնվում էին Եփրատի ակունքները»<sup>58</sup>:

Մարգարի գավառի սահմանները մեծ հավանականությամբ որոշված են Ս. Երեմյանի կողմից: Հարավում դրանք անցել են Սերմանց լեռնազազաթից արևմուտք ձգվող լեռնաբազուկով, արևմուտքում՝ Մանանաղի և Մուրց գետերի ջրբաժան Մեղեղուղխ լեռներով, հյուսիսում՝ Այծպտկունք լեռից գեպի Մուրց գետը երկարող լեռնաճուղով, իսկ արևելքում՝ Մուրց գետով և Սերմանց լեռնազազաթից գեպի հյուսիս-արևելք ձգվող լեռնաբազուկով<sup>59</sup>:

Տվյալների Դասնավորը դավառը հաղվագյուտ է հիշատակվում հայոց պատմության մեջ: Դրա մասին գիտեն Հովհաննես Դրասխանակերտցին<sup>60</sup> և Ասողիկը<sup>61</sup>: Տեղեկություններն ավելի սուղ են, որ դժվար է հստակ սահմաններ անցկացնել, ուստի այն պետք է տեղադրել Մուրց (Բուրական) դեռից արեւելք, մինչև նրա արևելյան ջրբաժանը:

Դասնավորից արևելք, ինչպես հավաստում է «Աշխարհացոյցը», գտնվում էր Տվարածատափ գավառը: Համաձայն Ղազար Փարսլեցու, այն սահմանակցում էր Բագրևանդին<sup>62</sup>, իսկ ըստ Լաստիվերտցու տվյալների՝ Տվարածատափից ոչ հեռու գտնվում էր Ավնիկ ամրոցը<sup>63</sup>: Հիմնվելով նշված տեղեկությունների վրա, Ղ. Ալիշանը Տվարածատափը տեղադրում է Գյոքսուխ և Կարայազի շրջանում<sup>64</sup>, Ն. Ադոնցը՝ Եփրատի ավազանում, Կարայազի տեղում<sup>65</sup>, իսկ Ս. Երեմյանը՝ Ղարայազի (իմա՝ Կարայազի) դաշտում՝ Գյոք-սու գետակով<sup>66</sup>: Նման տեղորոշումը առաջին հայացքից կարծես թե լիովին բավարարում է մեզ հայտնի բոլոր փաստերին, սակայն այդ դեպքում գավառը անջրպետվում է Բագրևանդից Դայառ գավառով, հանգամանք, որ խիստ էական է: Ուստի մենք

55 Նույն տեղում, էջ 29—30:  
 56 Ղ. Ալիշան. Այրարատ, էջ 3, 4, 7, 25:  
 57 Plin., NH, VI, 10.  
 58 Հայ ժողովրդի պատմություն (ութ հատորով), հ. Ա, Երևան, 1971, էջ 838:  
 59 Ս. Ս. Երեմյան. Հայաստանը ըստ «Աշխարհացոյցի», բարտեղ, Գ—4: II. А до н. Указ. соч., с. 314.  
 60 Յովհաննու կաթողիկոսի Դրասխանակերտցու Պատմութիւն Հայոց. Թիֆլիս, 1912, էջ 105. «Տրդատ ի Դասնավորից»:  
 61 Ասողիկ, էջ 105. «Տէր Տրդատ ի Դասնականից ամս Գ»: Կասկած չկա, որ այս Տեր Տրդատը նույնական է Դրասխանակերտցու Տրդատին, ուստի «Դասնավանից»-ը պետք է սրբագրել «Դասնավորից»: Կամ էլ Դասնավանը եղել է գավառի կենտրոնը:  
 62 Ղազար Փարսլեցի, էջ 57. «Եւ եկեալ հասանէին ի դիւղ մի որոյ անունն էր Արամանայ, ի նահանգին Բագրատանդալ, մերձակայ սահմանակից Բասենոյ և Տուարծատափու»:   
 63 Պատմութիւն Արխատակիսի Լաստիվերտցույ, աշխատասիրությամբ Կ. Ն. Յուզբաշյանի. Երևան, 1963, էջ 89. «[Տուլրիլ սուլթանը] լսողայ իջանէ ի Տուարածոյ Տափ, և անտի իջանէ լրնդարձակ դաշտն Բասենոյ առ անտո ամրոցան, որ կոչի Աւնիկ»:  
 64 Ղ. Ալիշան. Տեղագիր Հայոց Մեծաց, § 35:  
 65 II. А до н. Указ. соч., с. 314.  
 66 Ս. Ս. Երեմյան. Հայաստանը ըստ «Աշխարհացոյցի», էջ 86:



դտնում ենք, որ Տվարածատափի պետք է տեղադրվի ոչ թե Գյոթ-սուրի հովտում, այլ էլմալի-դերեի, այսինքն Կարայազի հյուսիսային հատվածում, որն անմիջապես սահմանակցում է Բագրևանդին: Ըստ այդմ էլ Կարայազի հարավ-արեւելյան հատվածը Գյոթ-սուրի հովտով և շրջակա տարածքով պետք է նույնանա Դալատ դավառին: Անշուշտ այն բացարձակ իմաստով Տվարածատափից արեւելք չէ, ինչպես հավաստում է «Աշխարհացոյցը», սակայն այն ժամանակների ընկալմամբ, երբ աշխարհագրական տեսակետից Հայաստանի արևելքը պատկերվում էր Գյոթի հյուսիս նշանակալից շեղումով, Գյոթ-սուրի հովիտը կարող էր և էլմալի-դերեի նկատմամբ արևելք դիտվել:

Տավրոսերանի նշանավոր գավառներից էր Հարքը: 2. Հյուսիսային շի ընդունում Պատմահոր այն մեկնությունը, որ Հարք նշանակում է «թէ հարք (հայերն—Չ. Բ.) ևն աստէն բնակեալք», քանի որ Հարքի սեռականը ոչ թե «Հարք» է, այլ «Հարբալ», իսկ հայցականը՝ «ղՀարք» և ոչ թե «ղՀարա»<sup>67</sup>: Գավառի մասին հիշատակություն ունեն հայկական աղբյուրներից զատ նաև Կոստանդին Միրանաձին (7927) և արաբական աղբյուրները (al-Hark)<sup>68</sup>: Հարքի արևելյան սահմանադրված գտնվում էր Մանսվազակերտ, Մանսղկերտ կամ Մանծկերտ (ներկայումս՝ Մելազգիրդ) քաղաքը, որը երբեմն վերագրվում էր Ապահունիք գավառին<sup>69</sup>: Գավառի նշանավոր բնակավայրերից էին Հայկաշենը, որն ըստ վանդուկյան կառուցել էր Հալկ նահապետը, Դոնեվունքը, Եղեզականը, Հերեանը, Մանկանդումը, Տողատափը և այլն<sup>70</sup>: Դստեղծվ Ազաթանգեղոսի «Պատմութիւն Հայոց»-ից, Հարքը թերևս կոչվել է նաև «Կողմանք Եփրատական գետոյն», որի Աղբիանոս եպիսկոպոսին Փավստոս Բուզանդը կոչում է Մանսղկերտի եպիսկոպոս<sup>71</sup>:

Սկզբնապես Հարքը, համանաբար, ընդգրկել է Տարոնից հյուսիս-արևելք ընկած ընդարձակ լեռնադաշտը, որը տառածվում էր Արածանի կամ Եփրատ գետի երկու ափերին: Դրա օգտին են վկայում գետի յձխափնյակում գտնվող Հայկաշեն և Եղեզական, Տողատափ և Մանկանդում բնակավայրերը: Այլիսուրով այն համարվում ևս պահանջել է ուղ ժամանակների Բուզանդի կամ Բուզանդը վիճակին: Սակայն «Աշխարհացոյցը» մատուցում է միանգամայն այլ կացութիւն: Պարզվում է, որ Հարքը տարածվել է մինչև Արածանի դեպք, այսինքն վերջինիս ձախափնյակը սախարհացոյցյան Հարքի մեջ չի մտել. «Ի հարաւու նոցա (Տվարածատափի և Դալատի—Չ. Բ.) Հարք և Վաժնունիք (իմա՛ Վարածունիք—Չ. Բ.) մենչև Եփրատանի, որ իջանէ յԱպահունեաց»<sup>72</sup>: Այս իրողությունը «Աշխարհացոյցը» մեկ անգամ ևս համաստում է՝ կայսրած Ապահունիքի տեղադրության հետ. «Աղիովիտ դաւառ եւ ոմտեւր նոռա Ապահունիք, ընդ որո՛ւ մէջն անցանէ Արածանի լեղրն Բղնունեաց»<sup>73</sup>: Դժվար չէ տեսնել, որ Ապահունիքի միջոյ անդնող Արածանին արևմուտքի հոսանք է Բղնունիքի եզրով կամ սահմանով, այսինքն Արածանին հանդիսացել է Հարքի և Բղնունիքի սահմանաբաժան դիժը: Երրորդադարի վերջին միանշանակ է. «Աշխարհացոյցը» արտացո-

67 2. Հյուսիսային շի հայոց տեղվո անունները, էջ 369:

68 Կոստանդին Միրանաձին, 1065 թվականի լատինական աղբյուրներ, Բ, թարգմ. բնագրից, առաջարան և ծանոթագր. Հրաչ Բարթիկյանի, էջ 11—12: 2. Հյուսիսային շի Հայոց տեղվո անունները, էջ 193:

69 Փավստոս Բուզանդ, էջ 9—10, 226, 263: Ասողիկ, էջ 73, 103, 183, 192, 266, 270, 277: Մատթեոս Ուոհայեցի, էջ 141, 145, 232, 239, 542: Եղիշե, էջ 27: Ղազար Փարպեցի, էջ 44: Հովհան Մամիկոնյան, էջ 117. «Մանածկերտ»:

70 Ղ. Ինճիճեան. Ստորագրութիւն հին Հայաստանեայց, էջ 120: С. Т. Еремян. Тарон в древности и в средние века. оформил Г. Н. Горпакчиян. масштаб 1 : 200000.

71 Ազաթանգեղոսի Պատմութիւն Հայոց, աշխատութեամբ Գ. Տեր-Մկրտչեան եւ Ս. Կանայանց. Տփղիս, 1909, § 845:

72 Աշխարհացոյց Մովսեսի խորենացոյ, էջ 31:

73 Նույն տեղում: Այս իրողությունը նկատելի է ն. Աղանցը (Армения в эпоху Юстиниана, с. 313):

լում է որոշակի վարչաքաղաքական կացություն, երբ Հարբի տարածքի հարավային կեսը Բզնունյաց զավառի մաս է կազմել: «Աշխարհացոյցը» Հարբ է անվանում Արածանիից հյուսիս ընկած տարածքը, սակայն ինչպես ժամանակին ճիշտ նկատել է Ն. Ադոնցը, Հարբին սահմանակից Ապահունիք, Խորխոռունիք, Բզնունիք զավառները սկզբնապես մտել են Հարբի մեջ և հետագայում ձևավորվել որպես առանձին զավառներ նախարարական առանձին տիրույթների հիման վրա<sup>74</sup>: Ըստ որում այդ մասին հավաստում է նաև Պատմահոր մեկ այլ հաղորդումը, ըստ որի «և զնախարարութիւնն Ապահունեաց և զՄանազեանն և զԲզնունականն ի նոյն զավակացն Հայկայ. ի բնակչացն գտեալ զպերճադինսն՝ տեարս կարգէ, յանուն շինից և գաւառաց կոչելով»<sup>75</sup>: Ճիշտ է, այս տեղեկություն մեջ բացակայում է Խորխոռունիքի անունը, սակայն այդ բացատրվում է այն իրողությամբ, որ պետական պաշտոն զբաղեցնող Խորխոռունիքները մինչ այդ հիշատակվել են արքունի գործակալությունների հետ կապված<sup>76</sup>:

Բերված տեղեկություններից հետևում է, որ Խորխոռունիքները տիրույթներ են ունեցել Արածանիից հյուսիս ընկած շրջանում, որը լիովին համահնչուն է Պատմահոր այն տեղեկությանը, որ Խոռի տոհմը բազմսնում է հյուսիսային կողմերում: Նույնքան հասկանալի է դառնում, որ Մանավազյանները տիրույթներ են ունեցել Արածանիի ձախափնյակում, որոնց մեջ էր նրանց աթոռանիստ Մանավազակերտը: Ոչ պակաս բացատրելի է այն հանդամանքը, որ Մանավազակերտ-Մանազկերտը գտնվել է Հարբի և Ապահունիքի սահմանագլխին: Խնդիրն այն է, որ մինչև Ասյահունիքների և Բզնունիքների հանդես գալը Հարբ զավառը (այն առումով) կառավարվել է Մանավազյանների կողմից, որոնց ժամանակ Մանավազակերտը գրեթե կենտրոնական դիրք էր գրավում այնտեղ: Սույլ Ասյահունիքի և Բզնունիքի անջատումը պատճառ դարձավ, որ աթոռանիստ հայտնվի իշխանության ծայրամասում:

Մանավազյանների ռազմական հզորությունը կոտրելու նպատակով, ամենայն հավանականությամբ, արքունիքը նրանց տիրույթները սահմանափակել է Հարբի (նեղ առումով) հարավային հատվածով, իսկ նրանց կրտսեր ճյուղերից հիմք դրել Բզնունյաց և Ապահունյաց իշխանական ընտանիքներին:

Հիշյալ երկրամասի վարչաքաղաքական դարգացումը ներկայանում է հետևյալ կերպ: Միասնական Հարբի հյուսիս-արևմտյան մասում առանձնանում են Խորխոռունիքները, իսկ մնացած հատվածում իշխում են Մանավազյանները: Այդ իսկ պատճառով հայկական ավանդական պատմությունը Խոռին և Մանավազին համարում է եղբայրներ: Ավելի ուշ Մանավազյանների կրտսեր ճյուղը, անջատվելով, սկիզբ է գնում Բզնունիքների հզոր նախարարությունը և այդ պատճառով էլ նույն ավանդական պատմությունը Բաղին համարում է Մանավազի որդի: Ինչ վերաբերում է Ապահունիքներին, ապա աղբյուրների տեղեկությունները բավարար նյութ չեն տալիս որոշելու, թե նրանք որպես իշխանական ընտանիք ձևավորվեցին Խորխոռունիքների ու Մանավազյանների հետ մեկտեղ, թե՞ Բզնունիքների հետ միաժամանակ: Համենայն դեպս ավելի հավանական է երկրորդ վարկածը:

Հարբի հարևանությամբ, դեպի արևմուտք, գտնվում էր վարաժնունիքը, որի վերաբերյալ մեզ գրեթե տեղեկություններ չեն հասել: Ղ. Արիշանը զավառս տեղադրում է Խամուրի, Լիդի և Բուլանուխի շրջանում<sup>77</sup>, որն անշուշտ պարզապես ճիշտ չէ: Ընդունելի է Ս. Ծրեմյանի տեղադրությունը, ըստ որի

74 Նույն տեղում:  
 75 Մ ո վ ս ն ս Խ ո Ր Ե ն ա ց ի, էջ 115—116:  
 76 Նույն տեղում, էջ 110. «Եւ թիկնապահս իւր, զինու հանդերձ, ի վաւակացն Խոռայ Հայկաղնոյ, արս ընտիրս և բաշո, նիզակաւորս և սուսերաւորս և գլուխ նահապետութեան նոցա զՄարտադ ոմն ալը բարի Ի սրտեայ: Բայց անուն ազգին զնախնականն պահէ»:  
 77 Ղ. Արիշան. Տեղագիր Հայոց Մեծաց, էջ 29, § 35:

Վարաժնունիքը ընդգրկել է հնունիս (հնուս) գետի հովիտը<sup>78</sup>: Հ. Հյուբշմանը և Մ. Ղազարյանը Բալաձորի հիշատակած Βαλζαρις-ը փորձել են նույնացնել Վարաժնունիքի հետ, շնայած իրենք էլ նկատել են, որ այդ երկրամասը Արճեշի կողմերում պետք է գտնվեր<sup>79</sup>: Ն. Ադոնցը, ելնելով Բաջունայս անունից, հակված է այն նույնացնելու ավելի շուտ Բզնունիքի հետ, սակայն, քաջ գիտակցելով, որ երկրամասերի ցանկում Բաջունայսի հետ իրաբանական կապերը այդ համադրումը դարձնում է անհնարին, հեղինակը ի վերջո Բաջունայսը նույնացնում է Ապահունիքի հետ<sup>80</sup>: Այդ տեսակետը կիսում է նաև Հ. Մարքվարտը<sup>81</sup>:

Տավրոսերանի առավել նշանավոր գավառների թվին է պատկանում Բըզնունիքը, որը, ինչպես վերը պարզեցինք, տարածվում էր մինչև Արաժանի գետը: Արևելքում այն ծավալվում էր մինչև Նեխ-Մասիք լեռը, հարավ-արևմուտքում՝ Բաղեշ ամրոցը, արևմուտքում՝ Սարակն լեռը և Արաժանի գետը, իսկ արևելքից և հյուսիս-արևելքից եզերվում էր Վանա լճով: Կավառը հիշատակում են Փավստոս Բուղանդը, Ծղիշեն, Ղազար Փարսլեցին, Պատմահայրը, Թովմա Արծրունին և ուրիշներ<sup>82</sup>: Փավառի որպես սահմանային կետ հիշված Նեխ-Մասիքը Սիփան լեռն է, որի անունը աղերս ունի Միսիան կղզու անվանման հետ, իսկ Մասիքին տրված «Նեխ» հավելումը այն Ազատ Մասիսից տարբերելու համար է<sup>83</sup>: Որ Նեխ-Մասիքը իրոք Սիփան լեռն է, պարզ երևում է «Յասմաուրքի» մի հետաքրքիր տեղեկությունից. «Անտի եկեալ հասին ի գաւառն Բզնունեաց Մասեաց՝ ի Վանս Արծկոյ որ կոչի Երաշխաւոր»<sup>84</sup>:

Փավառի նշանավոր վայրերից էին Արծկեն<sup>85</sup>, իրաթը (արաբական տիրապետության ժամանակներից)<sup>86</sup> և անշուշտ Բաղաղեշը կամ Բաղեշը: Վերջինս ներկայիս Բիթլիս քաղաքն է, ներկա անվանումը, շնայած առաջին հայացքից թուրքական և արաբական տիրապետության կնիքն է կրում իր վրա, իրականում ավելի հին է, քան Բաղաղեշ ձևը: Պարզապես գրական լեզվում Բայթալես հին անվանումը վերածվել է Բաղաղեշի, իսկ քաղաքի բնակիչների կենդանի լեզվում այդ հնշյունափոխությունը չի կատարվել և Բայթալեսը վերածվել է լիկվում Բաթլիսի կամ Բաղլիսի, իսկ ավելի ուշ՝ Բիթլիսի: Սերբոսի երկր պահպանել է Բաղաղեշի անունը Բաղեշ ձևով<sup>87</sup>, որը բնավ չի պատճառաբանվում Գևորգ Կիրարացու տեղեկությունների հենքի վրա<sup>88</sup>: Եթե վերջինս Բաղեշի լեռնանցքը գիտեր չէ՛ր, ապա սամենայն անունով, ապա սամենայն հավանականությամբ Սերբոսը Բաղեշի ամրոցը պետք է կոչեր Բաղաղեշ<sup>89</sup>:

78 Ս. Տ. Երեմյան. Հայաստանը ըստ «Աշխարհացոյցի», էջ 82: Ավելի վաղ նման տեղադրություն առաջարկել է Ն. Ադոնցը (Армения в эпоху Юстиниана, с. 314):

79 M. Ghazarian. Armenien unter der arabischen.— Herrschaft. Marburg, 1903, էջ 21, 74: Հ. Հյուբշման. Հին Հայոց տեղվո անունները, էջ 193:

80 Н. Адонц, Указ. соч., с. 314.

81 J. Markwart, Südarmenien und die Tigrisquellen. S. 106—107.

82 Փավստոս Բուղանդ, էջ 19, 114: Ծղիշեն, էջ 28: Ղազար Փարսլեցի, էջ 23, 44, 106: Մովսես Խորենացի, էջ 38, 116, 193, 258, 349: Թովմա Արծրունի, էջ 108, 186. «գաւառն Բզնունական»:

83 Հ. Հյուբշման. Հին Հայոց տեղվո անունները, էջ 187:

84 Նույն տեղում, էջ 187:

85 Ղազար Փարսլեցին այն հիշում է «Արծկէ», բյուզանդական աղբյուրները՝ 'Αρτζικε և 'Αλτζικε ձևով (Հ. Հյուբշման. Հին Հայոց տեղվո անունները, էջ 194):

86 Նույն տեղում, էջ 194. «Այս գաւառին մէջն էր իյաթ Պատմ. Ս. Հոփիսիմ. 300. Ինճիճ. 22. 121, արար. XI:âf Balasur, 176, 193, հն, յն. X:âf. X:âf. Կոստ. Պորփիր. de adm. imp. 191—196. X:âf Mich. Attal. Hist. 131, 132, են»:

87 Պատմութիւն Սերբոսի, աշխատասիրությամբ Վ. Գ. Արզարյանի. Երևան, 1979, էջ 165. Տրեբոն Բաղիշոյ», որ այնուամենայնիվ, Սերբոսի երկում ամրոցի անունը եղել է Բաղաղեշ, հաստատում է ձեռագրերից մեկի «Բաղաղիշոյ» տարբերիցումը (Նույն տեղում):

88 Հ. Հյուբշման. Հին Հայոց տեղվո անունները, էջ 187:

89 Georgii Cyprii Descriptio orbis Romani, էջ 48.

«Աշխարհացոյցի» տեղեկությունը Բաղեշի տարածքային պատկանելիության հարցում այնքան էլ հստակ չէ<sup>90</sup>: Այն կարելի է ընկալել Բզնունիքի ամրոց, սակայն նույն հաջողությամբ կարելի է պնդել, որ այն պարզապես գտնվել է Բզնունիքի սահմանագլխին, սակայն Աղծնիքի տարածքում: Այդ անորոշ կացությունը որոշակիանում է Վարդանի «Աշխարհացոյցի» տվյալների շնորհիվ: Նա գրում է. «Բզնունիք Արծկէ է և Խլաթ և Բաղէշ մինչ ի Խիզան, ուստի է սուրբ Խաչն և Գամաղիել: Այս միջոցս ամենայն Բզնունիք ասի»<sup>91</sup>: Հ. Հյուբշմանի կարծիքով Վարդանի կողմից Բաղեշը Բզնունիքին ընծայելու հին ժամանակների համար նշանակություն չունի<sup>92</sup>, սակայն մեր կարծիքով այն արտահայտում է իրերի իսկական վիճակը: Ճիշտ է, Բաղեշի բնակիչները իրենց քաղաքը համարում էին Սալնոձորի մեջ<sup>93</sup>, սակայն եղած փաստերը աներկբայելի են դարձնում վաղ միջնադարում նրա պատկանելիությունը Բզնունիքին: Չի բացառվում, որ Մավրիկիոս կայսեր վարչական վերափոխությունների ժամանակ այն կարճ ժամանակով միացվեց Արզանենե-Աղծնիքին, սակայն շատ շանցած վարչական նախկին կացությունը վերականգնվեց<sup>94</sup>:

Վանա լճի կղզիներից երեքը՝ Արծկեի, Միպանի և Տոքեան, ըստ «Աշխարհացոյցի» գտնվում էին Բզնունյաց գավառում: Ներկայումս դրանք լճի ջրերի բարձրանալու հետևանքով վաղուց ջրասույզ են եղել: Արիստակես Լաստիվերոցու վկայությամբ, երբ սելջուկյան սուլթան Տուգրիլը XI դարի կեսերին հարձակվեց Հայաստանի վրա, Արծկե քաղաքը գտնվում էր կղզու և մայր ցամաքի վրա. «(Տուղրիլը) երթեալ՝ հանդիպի քաղաքի միոջ, որ կոչի Արծկէ, որ է ի մէջ ծովուն Բզնունեաց, և ունի մօտ չինքն բերդ ամուր և անառիկ և քաղաքացիքն յայս ապաստան եղեալ ի ծովն և յամրոցն, յանհոգս կային»<sup>95</sup>: Շատ հնարավոր է, որ այդ շրջանում իրենց գոյությունը դեռևս պահպանել էին նաև Միպանի և Տոքեան կղզիները:

Բզնունյաց գավառի հարավ-արևելյան սահմանագլխին գտնվում էր Երիվարք գավառը, և բոլոր տվյալները կան ենթադրելու, որ վաղնջական ժամանակներում այն Բզնունյաց մաս է կազմել: «Աշխարհացոյցից» գատ այդ գավառը հիշատակվում է միայն Թովմա Արծրունու երկում. «(Գագիկ Արծրունին—Հ. Բ.) Եւ առեալ զկապուտ երկրին՝ դարձեալ գայ ի գաւառն անուանեալն Երիւարկ, առնու և անդ զբերդն Պաղայ, և զՓարհուաց, գայ և ի ձորն Առուանից, առնու և գայն ևս ամրոցն և տիրէ գաւառացն»<sup>96</sup>: Ելնելով այս և «Աշխարհացոյցի» այն տվյալից, ըստ որի գավառը գտնվել է Տավրոս լեռների և Բըզնունյաց ծովի միջև<sup>97</sup>, ուսումնասիրողները գավառը տեղադրել են Աղծնիքի Կոտոմից հյուսիս, Վանա լճի հարավ-արևմտյան ափին, Կարճկանի շրջանում<sup>98</sup>: Երիվարք գավառի Եղիզի փոքրիկ լիճը գտնվել է Գյուլի և Կենդրանց գյուղերի միջև ընկած դաշտում, որտեղ գարնանը մի քանի ամսով ձնհալքի ջրերից լիճ էր գոյանում, որը տեղ-տեղ 10 ոտնաչափ խորություն էր ունենում: Հետո ջուրը ստորգետնյա ուղիներով լցվում էր լիճը, իսկ գյուղացիները, մշակելով այդ հողերը, արտակարգ բերք էին ստանում<sup>99</sup>: Հիշյալ շորացող լճից ոչ հեռու գրտ-

90 Հ. Հյուբշման. Հին Հայոց տեղվո անունները, էջ 187—188:  
 91 Աշխարհացոյց Վարդանայ վարդապետի. Բարիզ, 1960, էջ 20:  
 92 Հ. Հյուբշման. Հին Հայոց տեղվո անունները, էջ 188:  
 93 Ղ. Ինճիճեան. Ստորագրութիւն հին Հայաստանեայց, էջ 123—124:  
 94 Georgii Cyprii Descriptio orbis Romani, էջ 48:  
 95 Արիստակես Լաստիվերոցի, էջ 94:  
 96 Թովմա Արծրունի, էջ 434:  
 97 Աշխարհացոյց Մովսեսի ևսորենացոյ, էջ 31:  
 98 Ս. Տ. Երևմտյան. Հայաստանը ըստ «Աշխարհացոյցի», էջ 51: Ղ. Ալիշանց դարձանալիորեն գավառը տեղադրում է Գյուղեղ-դերևում (Տեղագիր Հայոց Մեծաց, էջ 23, § 35):  
 99 W. Belck. Beitrage zur alten Geographie. S. 2, 81. X. Б. Липун. Армения. Т. II, Тифлис. 1910.

նրվում էր պատմական Պաղը, որ ներկայումս կոչվում է Պախ կամ Բախ (Bakh)<sup>100</sup>, Փարհուաց բերդի տեղագրությունը առայժմ պարզված չէ:

Տավրոսերանի ծայր հյուսիս-արևելյան գավառը Ադիովիտն էր, որի տարածքի մեծ մասը Առբերանի և Հաշտեանք գավառների հետ մեկտեղ հանձնված էր Արշակունյաց արքայատոհմի սեպուհներին<sup>101</sup>, Գավառում էր գտնվում արքունի քաղաք Զարիշատը: Թովմա Մեծոփեցու օրոք Զարիշատը գյուղաքաղաք էր, որը հեղինակի հավաստմամբ գտնվում էր Քաշբերունյաց դավառում<sup>102</sup>, Պատմիչները Ադիովիտում հիշատակում են Արճեշ գյուղը կամ քաղաքը<sup>103</sup>, որի ավերակները այսօր լճի հայելու բարձրացման հետևանքով ջրասույզ են եղել<sup>104</sup>, Նրիկավը, նառաբաստայ գյուղը, նառաբաստայ կամ Սուխարայ վանքը, Կերմանից գյուղը, Մեծոբայ կամ Մեծոփա ուխտը, Ասպիսնակ (Ասպսակ) կամ Վարախանից գյուղը, Ասպիսընկայ վանքը և այլն<sup>105</sup>:

Բերված տվյալները ոչ մի կասկած չեն թողնում, որ Ադիովիտը գտնվել է Ադի գետի հովտում, տարածվելով մինչև նեխ-Մասիք լեռը և Ադի լեռնանցքը՝ արևմուտքում, Մաղկանց լեռները՝ հյուսիսում, Առեսու դետի արևմտյան ջրբաժանը՝ արևելքում և Վանա լիճը՝ հարավում: Սակայն Ղ. Ալիշանը զարմանալիորեն գավառը տեղագրել է Բաղնոցի և Սարըսուի շրջանում<sup>106</sup>, Ս. Երեմյանը գավառը ճիշտ է տեղագրում, սակայն ձեռքի տակ չունենալով «Աշխարհացոյցի» բոլոր ձեռագրերի տարբերակները, նա հիշյալ գավառը բաժանում է երկու մասի, որի արևմտյան հատվածը որպես Ադիովիտ գավառ հատկացնում է Տավրոսերանին, իսկ արևելյան հատվածը որպես Ադիովիտ գավառ՝ Վասպուրականին: Նրա կարծիքով, ըստ երևույթին սկզբում գոյություն է ունեցել մեկ Ադիովիտ գավառ, որը հետագայում վաճառաշահ Զարիշատ քաղաքի բարձրանալու հետևանքով, որն ստացել էր «արքունի քաղաքի» իրավունք, բաժանվում է երկու մասի, որոնցից արևմտյանը դառնում է Զարիշատի քաղաքային տարածք<sup>107</sup>: Վասպուրականը Ադիովիտ անունով գավառ չի ունեցել<sup>108</sup>, հետևաբար անկախ ներքին բաժանվածությունից Ադիովիտը ամբողջությամբ պատկանում էր Տավրոսերանին: Այդ իրողությունը պարզորոշ երեւում է նաև այն փաստից, որ Հայաստանի 591 թ. երկրորդ բաժանման ժամանակ պարսկա-րյուզանդական սահմանադիժը անցնում էր ոչ թե իրականության մեջ գոյություն չունեցող երկու Ադիովիտների միջով, այլ Առեսուի անմիջական հարևանությամբ<sup>109</sup>, որով կարծես թե Վասպուրականի մի հատվածը ևս

100 V. Cui net. La Turquie d'Asie, 2, Paris, 1892, c. 634—635: Карта Генерального штаба, масштаб 1 : 200000, 10-38-13:

101 Մ ո վ ս ե ս ն ո ռ ր ե ն ա ջ ի, էջ 137:

102 Նույն տեղում, էջ 284. «յարբունական քաղաքին Զարիշատի»: Փ ա վ ս տ ո ս Բ ու զ ա ն դ, էջ 172:

103 Ա ս ո ղ ի կ, էջ 41, 102: Թ ո վ մ ա Ա ռ ծ ռ ու ն ի, էջ 478. «զԱրճեշ քաղաք Գնունեաց գաւառին»: Ս ե բ ե ո ս, էջ 65, 125: Արճեշը բյուզանդացիները կոչում էին Ἄρσις. իսկ արաբները՝ Arjis (տե՛ս Հ. Հյ ու ռ ղ մ ա ն. Հին Հայոց տեղվո անունները, էջ 195):

104 V. Cui net. La Turquie d'Asie, 2, էջ 710, XIX դարի կեսերին դեռ քաղաքի որոշ մնացորդները նշմարվում էին Մատնավանք (Մատղավանք?) գյուղի մոտ: Տե՛ս նաև Ղ. Ալիշան. Տեղագիր Հայոց Մեծաց, էջ 49:

105 Ղ. Ի ն ճ ի ճ ե ա ն. Ստորագրութիւն հին Հայաստանեայց, էջ 123—128: Թ ո վ մ ա Ա ռ ծ ռ ու ն ի, էջ 3, 82. «զբերդն Երիկաւ Հաղացովտի»: Երիկավը ոչ թե Վասպուրականում էր, այլ՝ Տուրոսերանում:

106 Ղ. Ալիշան. Տեղագիր Հայոց Մեծաց, էջ 23, (§ 35):

107 Ս. Տ. Երեմյան. Հայաստանը ըստ «Աշխարհացոյցի», էջ 33:

108 Բ. Հ. Հարությունյան. Մեծ Հայքի Վասպուրական աշխարհը ըստ «Աշխարհացոյցի» (տե՛ս «Բանբեր Երևանի համալսարանի», 1983, հմր. 3, էջ 112—113):

109 Ս ե բ ե ո ս, էջ 76. «...մինչև ցեղը ծովուն Բղնունեաց և ցԱռեսուաւան», էջ 84: Հ ո վ - հ ա ն ն ե ս 'Իրասխանակերտցի, էջ 68. «...ի լոնէն որ կոչի Ընծաքիսար մինչև ցԱռեսուտն աւան և ցՀացին»:

անցնում էր Բյուզանդիային: Իրապես վերջինս Վասպուրականում տարածքային ձեռքբերումներ չունեի, պտրզապես Աղիովիտ գավառն ամբողջությամբ անցել էր կայսրությանը:

Այսօր ընդունված է Աղիովիտ գավառը կամ ավելի ակնհայտ Վասպուրականին վերագրվող հատվածը ամբողջությամբ համարել արքունի սեպուհների սեփականություն<sup>110</sup>: Երկու Աղիովիտների առանձին գոյությունը բացառելուց հետո հասկանալի է դառնում, որ հիշյալ գավառը հողատիրության իմաստով բավականին խաչտաբղետ կառուցվածք է ունեցել: Ամենից առաջ Աղիովիտի նշանակալից, գուցե և մեծ մասը կազմել են արքունի սեպուհների կալվածները, սակայն ակնհայտ է, որ դրանց մեջ չի մտել «արքունի քաղաք Զարիշատը» իր հարակից տարածքներով: Վերջինս անտարակույս արքունիքի անմիջական ենթակայության տակ գտնվող տիրույթ էր, ուստի միանգամայն անհասկանալի է, երբ որոշ ուսումնասիրողներ Զարիշատը ցույց են տալիս Գնունիների տիրույթներում<sup>111</sup>, Քննության առնելով Պատմահոր տեղեկությունները, Ն. Ազոնցը եկել է այն եզրակացության, որ Գնունիներն սկզբում տիրույթներ են ունեցել Շահապիվանի շրջանում, որոնք հետագայում անցել են Արշակունիներին<sup>112</sup>: Հասկանալի է, որ Թովմա Արծրունու հաղորդումն այն մասին, թե է «պարսեղ քաղաք Գնունեաց գաւառին»<sup>113</sup>, ուսումնասիրողներին բերել է այն մտքին, որ արքունիքը Շահապիվանի և ընդհանրապես Ծաղկոտն գավառի դիմաց Գնունիներին է հանձնել Աղիովիտը կամ նրա մի մասը: Ժամանակին մենք ևս կիսել ենք այդ տեսակետը, սակայն սկզբնաղբյուրների համադրությունն ու վերլուծությունը, կարծում ենք, նոր լույս է սփռում հիշյալ հարցի վրա: Այսպես, Մովսես Խորենացին հաղորդում է, որ երբ Արշակ II թագավորը Կողովիտ գավառում մեծ որս է կազմակերպում և տոնախմբություն սարքում, Տիրիթ և Վարդան իշխանները արքայի միտքը պղտորում են «ասելով, Գնելոյ բազում երէս քան զայն ունել ընդ նոյն աւուրս յիւրում լերինն, որ Շահապիվանն անուանի, որ ի մայրենի հաւոյ իւրոյ Գնելոյ Գնունոյ հասեալ էր ցնա»<sup>114</sup>: Առաջին հայացքից դրան խիստ հակասող տեղեկություն է սլարունակում Փաւստոս Բուզանդի երկը: Պատմիչը, անդրադառնալով նույն իրադարձություններին և Արշակ II արքայի ու Գնել Արշակունու փոխհարաբերություններին, հայտնում է, որ Շահապիվանը Հայ Արշակունիների արքունի մշտական զորակայանն էր. «նու էր բանակ թագաւորին (Արշակ II-ի—Ն. Բ.) ի Շահապիվանի ի բուն բանակի տեղսն Արշակունեացն ի ներքոյ Միւնեացն և ի վերայ ասպարիսացն»<sup>115</sup>: Երկուսից մեկը. կամ սխալվում է պատմիչներից մեկը կամ էլ հիշյալ փաստերը պետք է նոր մեկնաբանություն ստանան: Մեր կարծիքով, պատմիչների մոտ սխալ չկա: Երբ խոսքը վերաբերում է արքունի բանակի բուն զորակայանին, ապա այն այդպիսի հռչակ կարող էր ձեռք բերել երկարատև գոյության դեպքում, ուստի Փավստոսի հաղորդման ճշմարտացիությունը կասկածներ չի կարող հարուցել: Ինչ վերաբերում է Մովսես Խորենացու հաղորդմանը, ապա պետք է ուշադրություն դարձնել այն իրողություն վրա, որ Գնել Արշակունին որս է կատարել ոչ թե Շահապիվանում, այլ Շահապիվան կոչվող լեռան վրա, որը հավանաբար Ծաղկանց լեռների նշանավոր լեռնագագաթներից մեկն էր: Այսօր Ծաղկանց լեռներում Աղիովիտի սահմանակցության վրա կա երեք լեռնագագաթ՝ Ալադադ, Խոնդբար և Ամդադ: Առաջինը, թեև փորձեր են արվել նույ-

110 Ս. Ս. Երեմյան. Հայաստանը ըստ «Աշխարհացոյցի», էջ 33:

111 Ս. Ս. Երեմյան. Մեծ Հայքի թագավորությունը IV դարում (298—385 թթ.), քարտեզ, Գ—5:

112 Н. А до и ц, Указ. соч., с. 304.

113 Թովմա Արծրունի, էջ 478:

114 Մովսես Խորենացի, էջ 283—284:

115 Փավստոս Բուզանդ, էջ 117:

նացնելու Մաղկեո լեռան<sup>116</sup> հետ, իրականում Աղի լեռն է<sup>117</sup>, երկրորդը, մեր կարծիքով, ոչ այլ ինչ է, բայց եթե Շահապիվանի լեռը և վերջապես վերջինը Մաղկեո լեռն է, եթե իհարկե այն նույնական չէ Շահապիվանի լեռնագագաթի հետ, ընթացքով մեր ենթադրությունը համապատասխանում է պատմական ճշմարտությանը, ապա Շահապիվանի լեռան հարավային լանջերը պետք է պատկանենին Գնունիններին, որտեղ և գտնվում էին Գնել Արշակունու որսատեղերը: Այլ խոսքով, ոչ մի տարածքային փոխանակություն էլ տեղի չէր ունեցել և ի սկզբանե Գնունինները իշխում էին Աղիովիտի մի մասին: Հիմնվելով այն փաստերի վրա, որ Զարիշատը արքունի քաղաք էր և Գնունինները որսատեղեր ունեին Շահապիվանի լեռան շրջանում, մենք դալիս ենք այն եզրակացության, որ Գնունինների տիրույթները գտնվելու էին Աղիովիտի հյուսիս-արևմտյան հատվածում, իսկ թովմա Արծրունու տեղեկությունը Արճեշ քաղաքը նրանց պատկանելու վերաբերյալ՝ ուշ ժամանակների կացության արդյունք, երբ Արճեշը իրոք հայտնվել էր հիշյալ նախարարական ընտանիքի տիրույթներում: Աղիովիտը ավելի ուշ ժամանակներում ավելի շատ հայտնի էր Արճիշո գավառ կամ Քաջբերունիք<sup>118</sup>:

«Աշխարհացոյցի» ընդարձակ խմբագրության մեջ Տավրուբերան աշխարհի նկարագրությունը ավարտվում է Ապահունիք պատմով, որի տեղադրությունը երբեք կասկածներ չի հարուցել: Փավստոս Բուզանդի մի տեղեկության համաձայն հայոց Տիրան թագավորի որսատեղիներից մեկը գտնվում էր «յերկրին Ապահունեաց, յոտինն մեծի լերինն Մասեաց, տեղին զայն որսացուք, տեղոյն՝ որում անուն կոչի քաղաք Աղիորսք»<sup>119</sup>: Թովմա Արծրունին պարզորոշ հավաստում է, որ գավառը գտնվել է խլաթից հյուսիս<sup>120</sup> և որ ուշ ժամանակներում նրա մեջ է եղել Մանավկերտ քաղաքը<sup>121</sup>: Մեկ այլ տեղեկությամբ Ապահունիքը համարվում է Բզնունյաց ծովին մերձակա գավառ. «(Հայոց Մմրատ Աթագավորը— Զ. Բ.) գնացեալ ընդ եզր ծովուն Բզնունեաց, ընդ կողմն Ապահունեաց՝ և բանակեցաւ յափն գետոյն, որ իջանէ յԱղձնեաց խոխոմացն»<sup>122</sup>: Այս տվյալներին ավելանում է «Աշխարհացոյցի» շատ հետաքրքիր այն տեղեկությունը, որ Արածանին հոսում էր Ապահունիքի միջով<sup>123</sup> և ոչ թե արևմտյան սահմանագիծով<sup>124</sup>: Ամփոփելով բերված նյութը, գծվար չէ որոշել Ապահունիքի սահմանները: Հարավում դրանք անցել են Նխա-Մասիքից արևմուտք ձգվող յեռնաճյուղով, արևմուտքում՝ Արածանից արևմուտք գտնվող ջրբաժան ոչ բարձր լեռներով, հյուսիսում՝ Մաղկանց լեռների հյուսիս-արևմուտք երկարող լեռնաբազուկով, իսկ արևելքում՝ Աղի լեռնանցքով ու Աղի և Բագնոց (այժմ՝ Բագիշան) գետերի ջրբաժանով: Գավառը պատմության մեջ հիշվում է բազմիցս: Ասողիկը հավաստում է, որ X դարում Ապահունիքը պատկանում էր արաբ մարիաներին, որոնց կենտրոնը Մանավկերտ քաղաքն էր<sup>125</sup>: Բյուզանդական հե-

116 Թ. Ն. Հ ա կ ո բ յ ա ն, Ատ. Տ. Մ ե լ ի ք-Բ ա խ շ յ ա ն, Հ. Ն. Բ ա ր ս ե ղ յ ա ն. Հայաստանի և հարակից շրջանների տեղանունների բառարան, հ. Բ, Երևան, 1988, էջ 838:

117 Ս. Տ. Ս ր Ե մ յ ա ն. Հայաստանը ըստ «Աշխարհացոյցի», էջ 33:

118 Աշխարհացոյց Վարդանայ վարդապետի, էջ 18. «Աղիովիտ եւ Քաջբերունի Արճեշ է, ուր կան սուրբ ուխտքն Արծուարեր եւ Մեծոփ... Եւ Ուտընկայրն, ուր կայ սուրբ նշանն ամենազօր» (տե՛ս նաև էջ 37):

119 Փ ա վ ս տ ո ս Բ ու զ ա ն դ, էջ 51: Մատենադարանի աշխատակից Գևորգ Տեր-Վարդանյանը իրավացիորեն սրբագրում է այս հատվածի վերջնամասը: Ելնելով այն ճիշտ մտքից, որ որսատեղում հազիվ թե քաղաք գտնվեր, նա ենթադրում է, որ այն եղել է ոչ թե «քաղաք Աղիորսք», այլ «Քաղքաղի որսք»:

120 Թ ո վ մ ա Ա ր ծ ր ու ն ի, էջ 200. «Բուհայ եկն եմուտ ի խլաթ քաղաք, ճանապարհ արաբեալ ընդ կողմն Ապահունեաց»:

121 Նույն տեղում, էջ 348:

122 Նույն տեղում, էջ 366:

123 Աշխարհացոյց Մովսեսի խորենացույ, էջ 31:

124 Ս. Տ. Ս ր Ե մ յ ա ն. Հայաստանը ըստ «Աշխարհացոյցի», քարտեզ Գ—5:

125 Ա ս ո ղ ի Կ, էջ 183: ՏՄ՝ ս նաև էջ 45, 69, 73, 87, 115, 192, 199, 247, 248, 266, 269—271:

դինականները այն գիտեն՝ Առաջին, իսկ արաբականները՝ Օսլամաիզ գրությունները<sup>126</sup>, Հայկական վաղ միջնադարի աղբյուրներում հիշատակվում է մեծ մասամբ Ապահունեաց նախարարական ընտանիքը:

Ապահունիքի կարևոր բնակավայրերից էին ամենից առաջ Մանազկերտ քաղաքը (ուշ շրջանում), Դալարիս կամ Ածուղ (Արծուղ, Արձկաղ) գյուղը, որտեղ կուրացվեց հայոց Տիրան թագավորը<sup>127</sup>, հարձտոնք գյուղը, Մմբու գյուղը, Խոսոնսը և Թոնդրակը<sup>128</sup>:

«Աշխարհացոյցի» համառոտ խմբագրության ձեռագրերը պահպանել են ևս երկու գավառի անուն՝ Կոր կամ Կորի և Խոլխոռունիք: Կորի գավառը, «Աշխարհացոյցից» գատ, Հարթի և Ապահունիքի հարևանությամբ, հիշատակում է նաև Կոստանդին Միրանածինը. «Բայց Սանցիկիբրտ ամրոցը, Ապախունի երկիրը, Կորին և Խարկան ևս գտնվում էին իշխանաց իշխանի (իմա՝ Մմբատ 1—Հ. Բ.) գերիշխանության և տիրապետության ներքո»<sup>129</sup>, Հավանաբար, նույն գավառին է վերաբերում Թովմա Մեծոփեցու հիշատակած «Կորոյ ձորը», որը Ղ. Ինճիճյանը հակված է տեղագրելու Արճեշի կողմերում<sup>130</sup>: Ղ. Ալիշանը Կորին տեղագրում է Լիզի շրջանում, սակայն ինքն էլ վստահ չէ այդ տեղորոշմանը<sup>131</sup>: Հ. Հյուբշմանը ենթադրում է, որ գավառանունը թերևս պահպանել է Բուլանուխի գետը կամ Քյուր-սուն<sup>132</sup>: Այս տեղագրությունը հետագայում պաշտպանել են Ն. Ադոնցը<sup>133</sup> և Ս. Երեմյանը<sup>134</sup>: Վերջինիս կարծիքով Կորի գավառը ընդգրկել է «Կորոյ ձոր» գետի հովիտը հաշի (ներկայումս՝ հաշու) լճի ավազանով հանդերձ: Այս տեղագրությունը, որ շատ հիմնավոր է, հակասության մեջ է մտնում Բզնունիքի տեղորոշման հետ, որովհետև ստացվում է, որ Կորին, տարածքային առումով, պարզապես Բզնունիքի մի մասն է: Այս իրողությունը «Աշխարհացոյցի» ամենահետաքրքիր առանձնահատկություններից մեկն է:

Խորխոռունիքը որպես գավառ «Աշխարհացոյցից» բացի որևէ մեկ այլ սկզբնաղբյուրում չի հիշատակվում: Բոլոր հեղինակները այն գիտեն որպես նախարարական ընտանիք<sup>135</sup>: Ղ. Ալիշանը այն տեղագրում է Բուլանուխում<sup>136</sup>, Հ. Հյուբշմանը՝ Կորիի և Ապահունիքի միջև<sup>137</sup>, Ն. Ադոնցը՝ Բուլանուխում, Բզնունիքի և Կորիի միջև, Նազիկ լճի շրջակայքում<sup>138</sup>, իսկ Ս. Երեմյանը՝ Իրզնունիքից հյուսիս և Արծիկից արևելք ընկած շրջանում և ենթադրում է, թե «Աշխարհացոյցի» հետագա խմբագիրներն են ավելացրել, իմանալով, որ Խորխոռունիների տոհմական գավառն է եղել նույն Բզնունիքը»<sup>139</sup>: Մեր քննության

126 Հ. Հյուբշման. Հին Հայոց տեղվո անունները, էջ 186:

127 Փավստոս Բուզանդ, էջ 52—53:

128 Ղ. Ինճիճյան. Ստորագրություն հին Հայաստանեայց, էջ 129—130:

129 Կոստանդին Միրանածին, էջ 11. *Ἰστορία τῆς γῆρας τοῦ Ἀπαχουαῖς καὶ τοῦ Χαρτα καὶ τοῦ Κορτα*:

130 Ղ. Ինճիճյան. Ստորագրություն հին Հայաստանեայց, էջ 524:

131 Ղ. Ալիշան. Տեղագիր Հայոց Մեծաց, էջ 23 (§ 35):

132 Հ. Հյուբշման. Հին Հայոց տեղվո անունները, էջ 197:

133 Н. Адоиц. Указ. соч., с. 313.

134 Ս. Երեմյան. Հայաստանը ըստ «Աշխարհացոյցի», էջ 313:

135 Փավստոս Բուզանդ, էջ 29, 104, Եղիշե, էջ 43, 74, 99, 118, 119, 150, Ղաղար քարայնցի, էջ 47, 64, 65, 67, 72, Մովսես Խորենացի, էջ 38, 110, 267, 312, 314, Սերբոս, էջ 133, 143, 165 և այլն:

136 Ղ. Ալիշան. Տեղագիր Հայոց Մեծաց, էջ 23 (§ 35):

137 Հ. Հյուբշման. Հին Հայոց տեղվո անունները, էջ 197:

138 Н. Адоиц. Указ. соч., с. 313. Հեղինակը և՛ Կորիի, և՛ Խորխոռունիքի տեղագրությունը համարում է գուշակություն, բանի որ «Աշխարհացոյցը» նրանց տեղագրության վերաբերյալ ցուցումներ չի պահպանել:

139 Ս. Երեմյան. Հայաստանը ըստ «Աշխարհացոյցի», էջ 55:



լույս տակ այս տեղադրությունն, անշուշտ, ընդունելի չէ: Խորխոռունիք գավառ որպես այդպիսին չի եղել և խմբագիրների ստեղծագործության արգասիքն է, իսկ Խորխոռունիների տիրությունը գտնվել են Հարբում՝ Արածանի գետի աջ-ափնյակում: Խորխոռունիները որպես ձեռական իշխանության երկիր արքունիքից ստանում էին հավանաբար Հեր և Զարավանդ գավառների շրջանը:

Տավրուբերանի նկարագրությունը, չնայած Սեյ Հայքի մի շարք աշխարհ-ների նկատմամբ իր մանրակրկիտությունը, ունի մի շարք հակասություններ, որոնք ոչ միայն վկայում են նրա ոչ անաղարտ լինելու և խմբագրման ենթարկվելու մասին, այլև, մեր կարծիքով, հնարավորություն են տալիս վերականգնելու նրա նախնական վիճակը: Համաձայն «Աշխարհացոյցի» ընդարձակ և համառոտ խմբագրությունների, Տավրուբերանն ունեցել է 16 գավառ, սակայն եթե համառոտում իրոք թվարկվում են 16 գավառանունն էլ, ապա ընդարձակ խմբագրության մեջ, ինչպես արդեն նշեցինք, հականե հանվանե հիշատակվում են և նկարագրվում միայն 14-ը, ըստ որում առաջին երկու գավառները՝ Խոյթը և Ասպակունյաց ձորը, պարզապես թվարկվում են: Համառոտ խմբագրության Կորի և Խորխոռունիք գավառանունները ընդարձակ խմբագրության մեջ ընդհանրապես բացակայում են, իսկ նշված գավառների տարածքները, քանի որ նախորդ գավառների տեղադրությունից հետո աղատ տեղ չի մնում, հայտնվում են Հարբի և Բզնունիքի մեջ: Ուստի, եթե ի նկատի ունենանք այն հանգամանքը, որ երկու խմբագրություններն էլ Տավրուբերանին վերագրում են 16 գավառ, ապա առաջին տպավորությունն այն է, որ վերոհիշյալ գավառանունները ընդարձակ խմբագրության մեջ բացակայում են գրիչների անփութության կամ ձեռագրի վնասվածության պատճառով: Սակայն, ինչպես արդեն վերը նշվեց, Տավրուբերանին 16 գավառ վերագրելու կողմնակիցներից մեկը՝ Ս. Երեմյանը լուրջ կասկածներ ունի, որ Տավրուբերանի նկարագրության մեջ Խորխոռունիք գավառի անունը ավելացվել է «Աշխարհացոյցի» խմբագիրների կողմից: Այդուհանդերձ այնքան մեծ է եղել գավառների թվաքանակի հմայքը, որ նա այնուամենայնիվ փորձել է բնագիրը հարմարեցնել գավառաքանակին՝ ընդարձակ խմբագրության մեջ կատարելով սրբագրումներ և մուծելով Կորի ու Խորխոռունիք գավառանունները. «Որոյ ըստ հիւսիսոյ Ադիովիտ գաւառ, և և դմտիք նորա Ապահունիք. ընդ որոյ մէջն անցանէ Արածանի [և ի հարաւոյ նորա՝ Կորի]: [Եւ] յեզն [ծովին] Բզնունեաց [է Խորխոռունիք գաւառ]»<sup>140</sup>: Վերը կատարված քննությունը և մասնավորապես Կորիի և Խորխոռունիքի տեղադրությունը, մեր համոզմամբ այս սրբագրությունը դարձնում են անհնարին, քանի որ ոչ մի հեղինակ իր նկարագրած գավառների տարածքում չէր փորձի տեղադրել մեկ այլ գավառ: Եվ վերջապես, եթե հիշյալ գավառները իրոք տեղ գտած լինեին ընդարձակ խմբագրության նկարագրության մեջ, ապա ենթադրելի է դրանց հիշատակությունը ոչ թե նկարագրության վերջում, այլ միջնամասում, որտեղ Հարբի նկարագրությանը պետք է հաջորդեր թերևս, «որ է Խորխոռունիք» արտահայտությունը և այնուհետև Կորիի հիշատակությունն ու դիրքի պարզաբանումը: Իհարկե, հեղինակը իր բնագրային մուծումները այս տեսքով կարող է հիմնավորված համարել, հենվելով համառոտ խմբագրության մեջ գավառների թվարկման հերթականության վրա, որտեղ Կորին և Խորխոռունիքը ամենավերջին գավառներն են<sup>141</sup>: Սակայն երբ Տավրուբերանի առաջին 14 գավառների տեղադրությունից հետո այլևս հիշյալ աշխարհում ազատ տարածք չի մնում, մնում է ենթադրել, որ Կորին և Խորխոռունիքը համառոտ խմբագրության մեջ ավելացվել են հետագայում: Ինչ վերաբերում է գավառների թվաքանակին, ապա ընդարձակի մեջ 16 թիվը պետք է համառոտ խմբագրության ազդեցություն համարել: Ավելի ուշ շրջանում գրիչներից մեկը՝ ծանոթ լինելով համառոտ խմբագրության մեջ հանդիպող 16 գավառանուններին, գա-

140 Ս. Ս. Երեմյան. Հայաստանը ըստ «Աշխարհացոյցի», էջ 108:

141 Ա. Ք. Աբրահամյան. Անանիա Շիրակացու մատենագրությունը, էջ 349: Կ. Ս.

վառաքանակը վերջինիս նմանությամբ դարձրել է 16, առանց բնագրային փոփոխություններ ու մուծումներ կատարելու:

Եվ այնուամենայնիվ, քանի՞ գավառ է ունեցել Տավրուբերյանը: Մենք բոլոր հիմքերն ունենք ենթադրելու, որ հիշյալ աշխարհի գավառաքանակը 14 էլ չէր: Հնդարձակ բնագրի թուուցիկ ծանոթությունն անգամ ցույց է տալիս, որ բացառությամբ Խուլթի և Ասպականունյաց ձորի, մնացած բոլոր գավառների տեղադիրքը ճշտվում է կամ հարևան վարչական միավորի համեմատությամբ կամ էլ աշխարհի կողմերը կամ աշխարհագրական այս կամ այն կետը (լեռ, լեռնաշղթա, գետ, լիճ) հիմք ընդունելով: Այս իրողությունը իրավունք է տալիս ենթադրելու, որ Խուլթին ու Ասպականունյաց կամ Ասպակունյաց ձորը նույնպես ավելի ուշ շրջանի մուծում են, կատարված, սակայն, «Աշխարհացոյցի» հեղինակի կողմից:

Աղձնիքի քննության ժամանակ մենք ցույց ենք տվել, որ 111 դարում, երբ պարսիկները ժամանակավոր տիրացան Հայկական Տավրոսից հարավ ընկած շրջաններին, հայոց արքունիքը բանակցությունների ընթացքում կարողացավ իր վերահսկողության տակ պահել Հայկական Տավրոսի լեռնանցքներն ու հարավահայաց լանջերի նրանց մերձակա տարածքները: Այդ պատճառով էլ բնաշխարհագրական տեսակետից Աղձնիքին հարող և Տավրոսի հարավային փեշերին գտնվող հիշյալ երկու գավառները հայտնվեցին Տավրուբերանի մեջ, կապված ոչ թե վարչական բաժանման անհրաժեշտության, այլ քաղաքական որոշակի կացության հետ: Դժվար է ասել, թե Ասպակունյաց ձորը կամ Խուլթը մինչև Տավրուբերանին անցնելը եղել են առանձին գավառներ, թե Սանասունքի մաս են կազմել: Սակայն առավել հավանական է, որ արդեն 111 դարում դրանք առանձին վարչական միավորներ էին, որոնցից առաջինը մինչև Տավրուբերանի մեջ մտնելը Աղձնյաց բղջիկությանը ենթակա նախարարություն էր, իսկ երկրորդը՝ տոհմացեղային կյանքով ապրող իշխանություն:

Տավրուբերանի մյուս գավառների կապակցությամբ կարելի է ենթադրել, որ դրանց մի մասը սկզբնապես գոյություն չի ունեցել և ձևավորվել է ավատատիրական հարաբերությունների զարգացման հետևանքով: Անտարակույս է, որ վաղնջական ժամանակներում Բզնունիքի մաս պիտի կազմեր Երևաքը, որի հետագա հանգես գալը սկզբնաղբյուրների բացակայության պատճառով դժվար է բացատրել: Չի բացառվում, որ այն կարող էր Աղձնիքի մաս կազմել, երբ դեռ վերջինիս մեջ էր Մոկքը, և 111 դարի իրադարձությունների հետևանքով անջատվելով Աղձնիքից վերածվել էր առանձին գավառի: Բնական է, որ այս բացատրության դեպքում բացառվում է հիշյալ գավառի վերաբերելը Բզնունիքին:

Ի մի բերելով նշված նյութերը և կատարված ենթադրությունները, կարելի է եզրակացնել, որ Տավրուբերանի գավառների սկզբնական քանակը, երբ Հարքը արդեն տրոհվել էր մի քանի գավառների, հավանաբար 9-ից չէր անցնում, որոնք էլ համապատասխանում էին Պլինիոս Ավագի հիշատակած զորավարություններին: «Աշխարհացոյցը» V դարում արձանագրել է արդեն 14 գավառ, որից Խուլթը և Ասպակունյաց ձորը նախապես պետք է պատկանեին Աղձնիքին, իսկ համառոտ խմբագրության մեջ մատուցվում է 16 գավառ, որոնցից վերջին երկուսից Կորին հանդես էր եկել V դարից հետո և գոյություն ունեւր X դարում, իսկ Խորխոռունիքը, դատելով մատենագիտական նյութից, այդպես էլ ինքնուրույն գավառի չվերածվեց:

ОБЛАСТЬ ТАВРУБЕРАН (ТУРУБЕРАН) ВЕЛИКОЙ АРМЕНИИ  
ПО «АШХАРАЦУЙЦУ» («АРМЯНСКОЙ ГЕОГРАФИИ»)

*Доктор истор. наук БАБКЕН АРУТЮНЯН*

Резюме

Таврубера́н или Турубера́н являлся одной из наиболее знаменитых областей Великой Армении, состоящей, согласно «Ашхарацуйцу», из 16 гаваров или кантонов. Рассматривается ряд вопросов, связанных с локализацией гаваров, владений княжеского рода Гнуни, феодализацией и административным развитием области. По нашему мнению, первоначально область состояла из 9 гаваров или стратегий, соответствовавших префектурам Плиния Старшего, в дальнейшем их число достигло 12, а после событий III века — 14. Гавар Кор появляется позже, а гавар под названием Хорхоруник так и не сформировался. В отличие от общепризнанного мнения, владения рода Хорхорунни находились не на северо-западном побережье Ванского озера, а в северной части гавара Ыдрк, как повествует «История Армении» Мовсеса Хоренани.